





cf. Häuser, n^o 2506

c 47

L





4

ADVIS
A V R O Y.

Papier

M. D. LXXXVIII.


CASE
F

39

1326

15882d

THE NEWBERRY
LIBRARY



Aduis au Roy.



IRE,

Chacun cognoist qu'à grand regret vous voyez les Princes & seigneurs Catholiques de vostre Royaume en dissention les vns contre les autres. Mais chacun ne pense pas qu'en ce qui touche vostre particulier vous ayez occasiō de vous fascher contre eux. Car les vns & les autres demandent vostre prosperité & contentement, tant qu'ils sont vous honorent, vous aiment, & avec contention desireront vous faire seruice, & tant s'en faut que telles dissentiōs, querelles, & tumultes entre vos suiets vous doiuent faire soupçonner rien de sinistre d'eux contre vostre personne, qu'au contraire cela vous doit rendre plus asseuré & plus content en vostre particulier. I'oserois volontiers faire comparaiſon de ceux qui pour l'ardente amour qu'ils portent à vne vertueuse dame & pour en approcher de plus pres se coudoient l'un l'autre, & quelquesfois entrent en telles querelles qu'il leur en couste la vie. Tant de combats que nous liſons auoir esté faits entre les cheualiers pour la vertu & la beauté de leurs maistresses n'ont en rien diminué l'honneur & l'estat des dames: mais les ont rendu plus asseurees & en plus grande frâchise. Aussi ne deuez vous pas estimer, SIRE,

A ij

qu'il y ait de la mauuaise affection de vos subiets Catholiques contre vostre Majesté, encores que vous les voyez les vns contre les autres bādez. Et auez avec grāde raison declaré par vostre edit que tout ce qui a esté fait estoit pour vostre seruice.

Si ne faut-il pas, SIRE, en approuuant leur intention, tollerer leurs actions qui tendent à l'injure des vns & des autres, & peuuent en fin causer la ruine de vostre peuple. Car estant en la dignité où vous estes, il faut que vostre Majesté soit soigneusement vigilante à la conseruatiō du publicq; & à la verité l'assurance de vostre personne depend en fin du repos & maintien de vostre estat publicq: d'autant que si vos sujets en telles contentions continuoient de se deffaire, il vous resteroit peu de moyen de vous conseruer. C'est pourquoy l'on ne peut assez louer vostre pouruoyance quand par infinité de labeur & de peine vous vous estes efforcé de pacifier toutes choses, afin qu'en conseruant voz sujets, vous conseruiez vous mesmes. Et certainement ce seroit mal donner ordre en vostre personne, si par mesme moyé vous ne donniez ordre en vostre estat. Vous estes homme comme les autres, & ne se peut remarquer en pas vn de voz suiets des imperfections qui ne puissent auenir en vostre personne. Nous desirons tous de la voir en bonne santé, mais les prieres & supplications que nous en faisons à Dieu, nous font souuenir que vous estes mortel comme les autres, & la grande aprehension que nous auons s'il auenoit inconuenient de vous, fait que nous meditons tous les iours ce qui en

peut auenir, tellement que ce n'est pas sans grande raison que nous desirons en vostre personne vne pouruoyance plus grande que d'un simple homme.

Ce n'est donc pas assez, **SIRE**, d'ordonner toutes choses necessaires tant pour le contentement de vostre esprit, que de vostre corps. Car vostre Majesté est vne personne publique, & pour ce ne luy doit il pas suffire d'auoir seulement ce qui fait besoing à vn particulier. Mais il faut qu'elle ait en elle ce qui est bon au publicq, d'autant qu'autrement vostre personne ne seroit pas publique, c'est bien assez à vn homme particulier d'auoir la pieté enuers Dieu, & pour le salut de son ame n'oublier rien de ce qui est de la deuotiõ ordinaire de sa religion, & moyennant qu'il ait la iustice avec celà, c'est à dire, qu'il se conserue en la societé des hommes, ne faire tort à personne, & rendre à vn chacun ce qui luy appartient, il se peut vanter d'auoir satisfait à son deuoir, mais il faut aussi donner ordre que voz subjees en vous honorant & vous seruant soient conseruez, & n'entrent en querelles les vns contre les autres. Car si vostre peuple est ruiné, vostre Majesté la fera consequemment.

Il faut donc, **SIRE**, qu'en particulier vous ay-miez voz subjets Catholiques puis qu'ils vous ayment, & que vous ne vous deffiez pas d'eux, puis qu'ils n'attendent rien contre vostre personne. Mais il faut que comme Roy (c'est à dire) pere & protecteur du public, vous donniez ordre que ceux qui sont pour approcher de vostre Majesté

ne contentent cét honneur avec trop grande indiscretion , & à la ruine de vostre peuple. Faire service au Roy, ce n'est pas vous servir particulièrement : mais c'est s'employer pour la Republique & pour la patrie. De sorte que de tant de Princes, Seigneurs, & autres personnes qui se presentent à vous pour vous faire service , il ne les faut pas accepter si ce n'est qu'ils soyent propres pour le public, au cas qu'ils sy veulent employer. Car vous pouvez auoir pour vostre particulier des Escuyers, Chaptres, Veneurs, Faulconniers, & autres telles sortes de seruiteurs domestiques, selon qu'ils s'accómoderont à vostre plaisir. Mais ceux qui voudroient s'entremettre du conseil , & ceux qui demanderont la maniere de la guerre, de la Iustice, de la police, ou des finances , n'y doivent estre admis qu'entant qu'ils s'en trouueront capables, c'est à dire qu'ils seront recogneuz gés vertueux, amateurs du public, d'experience, & non subiets à l'auarice. Si ceux qui ne meritent ces charges & honneurs sy ingerent & qu'avec contention ils sy presentent comme se voulans auancer d'eux mesmes, c'est alors qu'il vous faut facher contre eux, comme seroit vn pere de famille, & les chastier comme subiets & iusticia-bles ayans offensé. Et c'est en quoy vostre fureur doit estre semblable à celle de Dieu, laquelle ne se doit pas estimer comme celle des simples hommes qui en se cholerát souffrent & endurent plus de mal qu'ils n'en font à autrui. Mais on la peut comprendre par vne comparaison de la musique dont les hommes sont diuersément agitez en

leurs armes, tantost à pitié, tantost à ioye, & tantost à cholere selon qu'ils en ont besoing, encor qu'elle demeure tousiours elle mesme sans alteration, & dans les regles ordinaires de son art. Aussi vostre Majesté ne doit sentir aucune passion en foy, ny aucun changement : Mais il faut qu'elle dispose de telle façon les affaires du Royaume, que les vns se ressentent de vostre indignation, & soyent chastiez de leur temerité, & les autres exitez à la vertu par les charges & dignitez que vous leur commettez.

Ie sçay que c'est en cét endroit qu'on dira qu'est le fort de l'affaire, d'autant qu'il est difficile de choisir les personnes puis qu'il est impossible de les congnoistre en leur cœur, & à nostre grand regret, nous en auons veu estre appellez en vostre Conseil gens de grande reputation de vertu & d'integrité, lesquels toutes-fois soit qu'ils fussent auparauant dissimulez, soit qu'ils ayent esté depuis au maniment des affaires, corrompus, ont esté en fin plus pernicious au publicq, que ceux au lieu desquels on les auoit constituez. Mais le moyen à mon aduis est de changer aussi souuent de Magistrats & d'officiers qu'ils en sera besoin, & prendre occasion de changement par vne commune reputation, opinion & voix vniuerselle de tous voz subiets, au soulagement desquels il est raisonnable que vous accommodiez les affaires de vostre Royaume, plustost, que non pas au respect de quelque nôbre de vos officiers, car puisque vostre peuple fait partie de vostre Royaume, c'est raison que vous le choiez & vous entē-

tendiez à son aise plustost, que quelques particuliers. Desia il me semble voir ceux qui liront cecy fremir & sans vouloir passer outre ietter cest escrit de leur main par cholere, ou par contenance de desdain, cōme trouuant ceste proposition trop paradoxe & aliené de la rasion, disans qu'ils s'ebaissent de veoir que l'on vueille mettre au iugement d'un peuple l'hōneur, la reputation, la fortune & les biens de tant de grands personnages de dignité & d'experience, pour à leur appetit y appeller gens nouueaux & mal-uersez aux affaires, & à la verité de premiere apparence ceste proposition est estrange, & neantmoins, quand elle sera bien à loisir considerée & sans passion, elle ne se trouuera pas sans raison, ny sans exemple. Je ne voudrois pas dire qu'il falust commettre au iugement, d'une populace & multitude de gens vulgaires tant du Magistrats, & d'officiers de vostre estat. Voire mesme du tout ie ne voudrois qu'ils fussent iugez: car le iugement en eu trop difficile, trop dangereux, & de trop grande consequence. Mais que leur reseruēt leurs biens, hōneurs & prerogatiues, ils s'abstinsent du manimēt des affaires, au moins pour quelque temps, sans prendre autre congnoissance del'occasion, sinon sur l'aduertissement qu'en chaque prouince un peuple vous pourroit donner, à l'exemple de l'ostracysme autres fois pratiqué en la villes d'Athenes, moyēnant que le choix l'auctorité en soit reservee à vostre Majesté. Et quand les raisons seront bien examinees & que chacū aura soigneusement cerché d'autres ouuertures de reformation

tion, n'en trouuant point de plus asseuree, il sera parauenture contraint de se ranger à celle cy. Car ce n'est pas assez de dire qu'il se faut bié gouverner, mais il faudroit donner moyen de le faire, & de l'asseurer pour s'y pouuoir maintenir.

Je dis donc, S I R E, que le moyen de vous conseruer en vostre estat, est de cōseruer vostre peuple, & le moyen de cōseruer tous les deux, & d'acommoder l'vn à l'autre, tellement que vous faciez en sorte, si il est possible, que vous ne vueillez rié, qui ne soit agreables à vostre peuple. Et que vostre peuple par mesme raison ne desire rié, que ce qui sera de vostre volonté, car prenant en v^o ceste resolution, vous rendrez voz subjets infiniment affectionnez & deuotieux à vostre conseruation, & si quelques vns par ambition ou autre crime sont si temeraires que d'attenter contre vostre Majesté, n'ayans pas le peuple pour eux, ils demeureront confus & sans moyens d'exccuter aucune de leurs mauuaises entreprises, d'autant que le peuple a coustume de faire pour son Roy bien aymé comme le corps pour son ame, de toutes ses parties il apporte vn mutuel consentemēt pour se rengier à la volonté de celuy qui le conduit, qui l'inspire & le fait subsister. Il ne croit que ce qui est de ses cōmandemens, & ne se tourne que du costé où estant le salut de son Prince, il se persuade qu'il periroit miserablement s'il n'estoit soustenu par luy. Et pour ceste occasion il prie Dieu pour sa santé, par ce qu'il est le moyen par lequell l'estat public subsiste, c'est l'esprit par le quel tant de millions d'hommes entretiennent

leurs vies, c'est celuy sur lequel ils ont fondé l'esperance de leur fortune, & sans luy ils scauent que leur ruyne est présente. Aussi long temps vn peuple estime estre hors du danger de perir, que patiemment il endure le frain par lequel il est sagement conduit, s'il le rompt, & s'il veut voguer de soy mesme, il sentira qu'il ny aura plus d'vnité en luy, & le contexte d'un si grand Royaume sera depecé en parcelles: bref la fin de son obeissance sera la fin de son aise. Mais si au contraire vn peuple est trauaillé & en malaise, il ne cessera iamais de remuer & fera comme ceux qui agitez d'une fièvre chaude incessamment se tournēt sans pouuoir trouuer vn costé sur lequel ils puissent reposer, de sorte qu'il est besoing que le Prince soit soigneux de la santé & bon portemēt du peuple, comme l'ame des membres du corps, organes & instrumens de ses fonctions.

Ce n'est pas faire vn estat populaire que de vous accommoder au peuple, ains est au cōtraire establir plus assésurément vostre monarchie que contenir vostre peuple en vne bien-vueillance en vostre endroit, puis que celà le contient en obeissance. Il faut honorer les Princes & les Seigneurs de ce Royaume, & si faut respecter les Magistrats & leur obeir. Mais il faut, SIRE, que ce soit afin que ce respect contienne vn chacun en son deuoir, & que la trop grande prerogatiue des vns ne soit point à la foule des autres. Dieu commande au peuple d'obeir, & luy enioiect d'honorer le Magistrat, mais il ne veut pas que les Magistrats endeuiennent rogues, fiers, & inaccessibles, l'hu-

milité est vne vertu aussi bien pour les grâds que
 pour les petits, & la grauité n'est requise au Ma-
 gistrat que pour faire qu'il ne se rende point sus-
 pect d'estre fauorable à l'vne ou à l'autre des par-
 ties, mais la grauité n'est point vne fièreté, arro-
 gance & desdain du reste du peuple, aussi ne faut
 pas que les Magistrats estiment estre quelque
 sorte d'hommes descendus du ciel, ains doiuent
 recognoistre qu'il n'ont pas la distribution de
 nos biens, mais vn simple aduis de ce qui est iuste
 ou iniuste. Si donc quelques vns en ceste dignité
 qu'ils ont acquise (ie n'oserois dire par argent)
 abusent de leur auctorité & à la foule du peuple
 par faueurs, par inimitiez, par concussion, & par
 infiniz autres moyens, sont dommageables au
 publicq, quel inconuenient y a il, que l'on les
 chäge, & ne se faut pas arrester à ceux qui disent,
 que s'ils ont mal fait, on ne leur peut faire leur
 procès: car outre que ce ne seroit iamais fait, &
 que c'est chose trop longue & trop difficile (cô-
 me l'on a experimenté, il n'y a pas long temps)
 que de faire le procez à vn Magistrat. Il est enco-
 res certain qu'il y a beaucoup de raisons pour
 oster vn Magistrat, autres que pour crime, l'on ne
 scauroit faire le procès à vn qui en la douleur de
 ses goustes est si furieux qu'il tempeste & grince
 les dents contre tous ceux qui approché de luy,
 & neantmoins celà le rend mauuais iuge. Il y en
 a qui pour estre trop soigneux à leurs affaires do-
 mestiques, ne peuuent pas vacquer au public ius-
 ques là qu'en la table du Conseil, ils se font ra-
 menteuoir leurs affaires particulieres & domesti-

ques. Autres par vieillesse, par imbecilité d'esprit, & pour infinies autres raisons ne sont pas bons iuges, encores qu'ils fussent gens de bien. Et quant à ces gens on dira simplement, qu'ils se retirent, ils n'ont dequoy se plaindre.

Il est bien raisonnable **SIRE**, que les Princes & Seigneurs de vostre Royaume, soyent honorez, & qu'estans appelez au conseil des affaires de vostre estat, ils se rendent plus capables à y apporter tout ce qui sera en eux. Et si est tres-equitable que plus ils sont descendus de grand lieu, plus aussi qu'en memoire de leurs ancestres, ils ayent quelques presence & prerogative. Mais les charges & commissions ne doiuent estre baillees qu'à ceux qui ont les capacitez & l'experience telles, qu'elles sont necessaires au maniment de si grandes affaires. Vostre Majesté sçaura bien iuger celà si elle en est aduertie, mais souuentefois les flatteries, les faux rapports & les enuies, vous feront paroistre toute autre chose que ce qui en est. Et pour-ce vous ne pouuez auoir meilleur aduertissement que de la voix commune du peuple. C'est dit-on la voix de Dieu & de laquelle vous deuez prendre plus d'instruction en vos affaires. Ayez souuenance s'il vous pleist, **SIRE**, que quand on vous parle du peuple, ce n'est pas vous parler simplement de petits artisans, ou marchands. Car vostre estat est composé du clergé où sont quoy que ce soit ou doiuent estre les plus sages & sçauans de la France. Il est composé de la noblesse d'où depend la force & l'establissement de vostre Royaume, & du tiers estat entremeslé de si grand

nombre de gens de vertu, & de sçauoir que rien plus. Ce que chacun desire que vostre Majesté considere, par-ce que l'on est bie aduerty, que beaucoup de ceux qui approchent de vostre persōne, vous donnent à entendre qu'il n'y a que des saffraniers, petits compagnons, & comme ils disent, des tabliers retrouffez qui remuent vostre estat. Car encores que les simples gens hors d'ambition & d'auarice y apportent beaucoup d'aide, si est-ce que vous pouuez asseurer qu'ils ne s'y aduancent pas comme enfans perduz, sans y estre encouragez par ceux qui ayans à conduire leur fortune auecques plus de respect se reseruent au plus fort de l'affaire. Et pour-ce que quand ie dis que vous deuez accommoder vostre auctorité à l'obeissance du peuple, c'est pour vous accommoder au clergé, à la Noblesse & au tiers estat de vostre Royaume. Car encore qu'il semble que les tailles, subides, & telles manieres de charges ne soyent imposees que sur les laboureurs, vigneron & autres menuës gens, toutes-fois les plus grâds en ressentēt l'incommodité, & faut qu'ils en bail- lent recompence aux petits : tellement que vous pouuez asseurer que si pour accommoder quelques particuliers pres de vous, il aduiēt que le peuple en soit foulé, vous mettez en desespoir non vostre menu peuple, mais l'honneur, la force, & l'establissement de vostre couronne.

S I R E, ce qui fait que l'on dit que vous estes vn grand Roy, c'est parce que vous cōmandez en vn grand Royaume, & puisque la grandeur de vostre Royaume ne consiste pas seulemēt en l'e-

stendue d'un grand pays, mais aussi en la fréquentation du peuple, & pour mieux dire en un grand peuple. Il s'ensuit que tant plus vostre peuple sera grand, tant plus grand Roy vous serez. Le Roy d'Espagne prendra tant de deserts qu'il voudra aux terres neuues & estendra iusques à l'entour du monde le renom de ses forces, mais il ne sera iamais tant en honneur, n'y estimé si grand Roy que celui de France, où en un pays arresté l'on trouue la terre couuverte de peuple, un grand nombre de villes, de bourgades, & les villages si proches les uns des autres & avec telle multitude de feuz qu'à bon droit l'on peut dire qu'une parroisse vaut une prouince d'ailleurs. Et quand un estranger y vient, alors il cognoist que vous estes un grand Roy, tellement que pour vous conseruer en ceste grandeur, il faut soigner que vostre peuple soit tousiours grand, & ne faut pas souffrir que la noblesse se deface l'un l'autre, que les villageois soient pilliez, qu'ils abandonnent leurs maisons, & que des villes & villages soient faits des deserts, & si ce n'est pas assez qu'il y ait beaucoup de peuple, beaucoup de villes & villages: mais il faut que le peuple y soit à son aise, qu'en liberté il puisse s'appliquer à la pieté par la conseruation de sa religion, que l'on voye en vostre Royaume, les Prelats & autres gens d'Eglise honorez, les temples superbement edifiez, les chasteaux & maisons entretenus, la iustice bien exercee, à celle fin que l'on ne dise point que vous soyez un Roy des ruynes, un Roy des affligez, &

d'une terre en toutes choses tendant à confusion & desolation. Mais il est besoing que pour estre grand Roy vous ayez vn peuple bien à son aise, car le peuple n'est point grand, s'il n'a ce qu'un riche peuple doit auoir.

Cenous est vn grand bien SIRE, que vous ayez ceste apprehension que vostre grandeur depend de la grandeur de vostre peuple: car pour maintenir la grandeur de vostre Majesté, vous prendrez resolution de conseruer vostre peuple grand, c'est à dire, vous donnerez ordre qu'il soit à son aise, & qu'il repose il puisse vacquer aux œuures de pitié, & par la iustice de voz officiers, le garder de l'iniure d'autrui. Et à cét effect louant les intentions de voz subiets si tant est qu'une bonne volóté de seruice en vostre endroit les face entrer en cõtention les vns cõtrent les autres. Vous ne tollererez pastoutes-fois leurs actions, dont aduiennét si mauuais effects, si pernicioeux au public, & tant à la foule de vostre peuple, & par ce moyen vostre personne sera en seureté, non seulement en ce qu'elle peut ressentir cõmodité pour son particulier, mais en ce que participant du public elle ne peut estre bien, si le public n'est bien, c'estoit vne loüable remonstrâce de la belle Alix, quãd encores qu'elle se ressentist merueilleusement fauorisee du Roy Charles, septiesme, toutes-fois ne se peut garder que se ressentant du public, & voyant le Roy ne penser qu'à dõner plaisir à ses yeux à ses oreilles, & autres de ses sens, encore que paraduéture il n'y eust point

d'impieté ne d'iniustice, toutes-fois ne se peut cōtenir qu'elle ne luy qu'il perdoit son Royaume bien à son ayse. Car il ne luy deuoit pas suffire de garātir sa vie, & l'aise de son esprit & de sō corps, mais il falloit qu'il conseruast sa personne Royale, & puis que le Royaume est composé du Roy & du peuple, qu'il donnast ordre que son peuple fust maintenu pour se conseruer en sa Royauté.

S I R E, nous n'ignorons pas que vostre intention est telle, qu'en vous conseruant vous voulliez conseruer vostre peuple, & sçauons bien que vo^r auez regrets de veoir vos subiets Catholiques en contétion les vns contre les autres, & si nous auōs entendu que vous allez tenir les estats de vostre Royaume, afin de prendre aduis de tout vostre peuple par ceux qui en sont deputez, quel moyen vous pouuez auoir de dōner quelque bon remède à tant de mal-heurs qui se sont passez & qui nous menassent à l'aduenir s'il ny est bien tost pourueu, c'est pourquoy nous sommes nourris en bonne esperance d'une briefue guarison de nos maux, par ce que nous sommes bien aduertis que les cahiers des plaintes & remonstrances que l'on a dressez pour vous faire ouuerture d'une bonne reformation ne manqueront pas du costé du peuple. Si qu'il semble que d'une part & d'autre les affaires estans bien conduites, elles ne peuuent auoir q'une bonnes fin, puis que le peuple ne demande rien que ce qui est de iustice, & que vostre Majesté a ceste bonne volonté d'accorder tout ce qui est raisonnable, nous tenons desia par experience la reformation toute parfaite, il ny a presque

que si petit du peuple qui n'ayt baillé son billet pour ayder à son soulagemēt, & l'on a choiſy par les bailliages, ſeueſchauffez & preuoſtez des perſonnages du plus grand eſprit & du meilleur iugement que l'on a peu, & des plus gens de bien, & de meilleure conſcience pour faire vn amas, & par diſcretiō eſlire ce que l'ō trouue pl^ſ à propos à vous demander, il ne reſte qu'à vous de l'accorder, & par ce moyen aux vns & aux autres de viure en paix & en repos. Car s'ils aduenoit autrement, les eſtats tenuz nous ſeroient d'un pernicieux eſſect, d'autant qu'eſtant le peuple aſſeuré quel'on a requis de ſa part vne bonne reformation, il ſeroit en plus grand deſeſpoir que iamais ſi ne luy eſtant accordée, il ſe perſuadoit que ce ſeroit faute de pouoir entendre, ou faute d'y vouloir remedier.

Il vaudroit mieux, S I R E, n'auoir iamais ouy les plaintes du peuple, qu'apres les auoir entendues ne luy donner point de ſoulagement, car il aduiendra, ou que le peuple ſera perſuadé que l'on n'eſt pas capable de conceuoir leurs raiſons, ou bien que l'on n'a pas volonté de leur faire du bien, & neantmoins il n'y a rien qui maintienne tant vn peuple au reſpect qu'il doit à ſon Roy, que quand il a ceſte ferme opinion que l'entendement & la bonne volonté ne luy defaillēt pas. Ce qui eſtoit à celle fin que l'on ne tombe pas aux incōueniens des eſtats tenuz en la ville de Blois, en l'an mil cinq cens ſoixāte & dix-ſept, où apres auoir par longue eſpace de temps diſcouru des mal-heurs de noſtre ſiecle & du remede qui feroit

besoing, il ne se trouue pas vn seul article qui ait esté obserué. Cela fait desesperer le peuple d'un bon reglement, par ce qu'ayant vne fois tenté les voyes propres à y paruenir, & n'en sentant aucun bon effect, ils tiennent pour assuré que c'est perdre & la peine & les fraiz de plus recommencer les mesmes remonstrances: & le desespoir leur fait faire ce à quoy ils n'eussent pas au parauant voulu penser, qui nous fait vous supplier que pour la conseruation de vostre personne, qui est publique, c'est à dire pour maintenir vostre dignité vostre Royaume, vostre Couronne, vous conseruiez toutes les parties desquelles vostre Royaume est composé, car en e e faisant vous soulagerez vostre peuple, qui fait vne telle partie de vostre auctorité, d'autât que sans le peuple vous ne pouuez estre, & s'est bié veu vn peuple sãs Roy, mais il ne se vist iamais vn Roy sans peuple, & tel que le peuple sera, tel aussi le Roy, de sorte que si le peuple est pauvre, ce sera vn pauvre Roy, sa qualité dependant de celle de son peuple, par ce que c'est le subiet duquel il est denommé.

Ne faites donc pas, S I R E, ce qu'aucuns ont dit, que leur Royaume estoit bien grand, & qu'il faudroit qu'ils fussent redigez en extreme necessité s'ils ne trouuoient place pour se mettre en seureté, ne faites pas comme ceux qui disent qu'ils seront les derniers necessiteux de leur Royaume, & qu'il faudra que beaucoup de gens y meurent de faim auparauint qu'ils soient contraints de retrancher leurs tables. Car vostre Royaume est composé de toutes ces parties, & n'en scauriez

perdre la moindre, que vous ne serez plus ce que vous estes, c'est à dire, Roy du plus grand, & du plus opulent Royaume de la Chrestienté. Souue-
nez vous que le moindre de vostre Royaume est aussi bien vostre subiet, que le plus opulent & le plus esleué en dignité, & pource que vous luy deuez esgallement iustice, & que l'aduancement de l'un ne doit estre la ruyne de l'autre, si autrement vous le faites, vous perdrez vostre reputation, & par consequent l'auctorité que vous deuez auoir. Prenez garde, s'il vous plaist, qu'il ny a si petit cheueu qui ne face ombre contre les rayons du Soleil, & que la splendeur de vostre Majesté qui consiste en la iustice, diminuera quand elle ne sera pas vniuerselle pour distribuer à vn chacun ce qu'à luy appartient. L'on dit que Lybort entra en consideration, qu'il deuoit respecter la multitude du simple peuple, quand vne fois il s'aperceut que les fourmis auoient consumé vn dragon, qu'il nourrissoit par delectation, de sorte que iusques sur le moindre de vostre Royaume, se doiuent estendre les rayons de vostre iustice, & vous garder de l'offenser.

SIRE, on ne doit imaginer que les subiets puissent legitimement resister à leur Roy: car on ne peut presupposer qu'un Roy, en ce qu'il est Roy, commande rien qui ne soit bon. Le Roy est l'image de Dieu en terre, & pource en ceste qualité il ne peut que bien faire. Si pour son fait particulier il est discolle, les subiets le doiuent toller: mais en qualité de Roy, il ne peut estre obey que lors qu'il commande bien. La monoye

(dit-on) prend auctorité du Prince ; mais si elle n'est d'alloy elle n'a point de cours. Loys Comte de Flandres fut supplié par les subiets, de relascher les tailles & les subsides qu'il auoit imposé sur eux : mais il en fut dissuadé par quelques vns des courtisans, qui à la mode des Conseillers de Roboan, tenoient pour vne proposition certaine, qu'il falloit dompter les vilains par force, & à coups de baston. Et pour-ce les subiets s'esleuerent, & souz la conduite de Iacques Darteuelle, mirent son estat en grand danger. Ce ne seroit iamais fait qui voudroit rapporter toutes les histoires : car il ne s'est point veu, ou fort peu, de Prince, lequel en abusant de sa puissance n'ait trouué des subiets, qui ont mal vsé de leur obeyssance : pour bien estre obey, il faut bien commander. Et l'on a beau accuser le peuple de legereté, si voit on qu'il est constant à se renger du costé où il espere soulagement : il est bien vray que le peuple endure beaucoup en telles entreprises, & qu'en poursuiuant l'execution souuentesfois il demeure en chemin, mais il a plus de soulagemēt en son esprit par l'esperāce qu'il conçoit de se remettre bien, qu'en tout le repos que l'on pourroit luy proposer, s'il apprehende de tomber en inconuenient. Et mesme communément nous abhorrons plus le mal à venir, que le present. On lit qu'apres la bataille de Rosebec, où le Roy Charles sixiesme vainquit les Flamans, il fit chercher le corps Darteuelle par vn capitaine Flamment, & l'ayant trouué mort, le Roy voulut donner la vie à ce capitaine, commandant que l'on le

fist medicamenter: mais il ne le voulut pas endurer, & au desespoir auquel entra Caton ne pouuant plus remedier au bien public: il respondit que pour la liberté du pays il auoit combatu, & nel'ayant peu conseruer, il vouloit mourir avec les autres. Bref en telles esmotions il se trouue peu de peuple qui se repente, & en perissant il se resioiit d'auoir entrepris, ce qu'il pense en sa conscience estre bon & iuste, si que l'assurance qu'il a de soustenir vne bonne cause, luy fait doucement escouler son mal, & en sa misere il fait comme les ruynes, lesquelles en tombant emportent tout ce qui leur est proche, & qui demolissent tout ce qu'elles rencontrent.

C'est pourquoy nous vous supplions tref-humblement, SIRE, de chasser d'entre vostre peuple toutes occasions qui le peuuent esmouuoir à sedition, & puis qu'il fait partie de vostre Royaume, & est l'edifice & project de vostre grâdeut, vous accommoder avec luy, & croire que le plus assure moyē de vous cōseruer en vostre dignité, est de faire obseruer la pieté & iustice en vostre Royaume. Et sur tout vous rendre croyable enuers le peuple: car la croyance que vous aurez avec luy, le rendra plus attentif à voz ordōnances, & n'y a plus grand artifice de se faire croire, que de constamment continuer vne mesme intention, quand vne fois la resolution en est prise. De moindre, que de vostre Majesté vous pouuez prendre gages, respondant & ostages, mais vos subjets ne peuuent hominemēt demāder ny exco-giter autre assurance de vous, que la foy en la-

quelle ils se sont soubmis à vos commandemens. Les dissimulations sont tollerees pour la ruine d'un effect quel'on n'approuue pas, & est loüable que par la conniuece on feigne d'approuuer ce qu'en sa conscience l'on sçait estre mauuais, & que l'on a intention d'oster, mais c'est desesperer vn peuple que faire le contraire, dissimulant de vouloir apporter vn bon remede, & auoir intention d'entretenir vn mal. Car toutes actions encores qu'elles ayent apparence de mal, sont par souffrance tollerees si elles tendent à vne bonne fin, & pource la dissimulation qui accompagne vne bone consciëce est loabüe, mais en vne mauuaïse intention, toutes choses sont vituperables, & ce vous seroit faire vn mauuais seruice que de faire couuertement entēdre à quelques vns, voire de persuader à vostre peuple, que par le passé, aux Edits de l'vnion, aux lenees de deniers que vous auez commandees sur vostre peuple pour le mettre en paix, & aux autres acheminemens de vos affaires, vostre intention n'estoit pas telle qu'elle paroïssoit: car pensans vous rendre plus recommandable, ils rendent le peuple soubçonneux, comme c'est le naturel de ceux qui ont vne fois esté frustrez de leur attente, de ne pouuoir plus rien croire. C'est vn erreur que d'estimer que rien puisse estre en seureté pour vn Roy, quand on ne tient rien assüré de luy, & par vne foy mutuelle la fidelité se peut seulement cōtracter. L'obeyssance donc de vos subjets, SIRE, est en vostre puissance, & nous prions Dieu, qu'il luy plai-

se de vous entretenir en la volōté que vous auez
de conseruer l'auctoirité de vostre Majesté sur
vos subjets par l'assēurance qu'ils ont prins, y soub
mettant leur humble & sainte obēissance.

FIN.

